


Erenoamáš hearki influeansadávdi? Boahkut iežat!

Buohkat sáhttet duodalaččat buohccát influensii, muhto muhtin olbmui lea stuorát riska oažžut duodalaš dávdmaid go earáin. Norggas berrejit sullii 1,7 miljovna máná ja ollesolbmo oažžut influeansaboahkuheami.



Gii berre jahkásaččat oažžut influeansaboahkuheami?

- Olbmot geat leat 65 jagi dahje boarrásat
- Ássit buhcciidsiiddain ja fuolahusásodagain
- Mánát ja rávisolbmot geain lea:
 - kronalaš geahpesdávda
 - kronalaš váibmo- ja varrasuotnadávda
 - kronalaš vuoivvasvaidun
 - kronalaš manimuvšvaidun
 - kronalaš neurologalaš dávda dahje váddu
 - hedjonan immuvdnavuogádat
 - Diabetes, 1. ja 2. tiipa
 - hui duodalaš buiddodat (BMI badjel 40)
 - eará duodalaš dahje kronalaš dávda
- Áhpehis nissonat áhpehisvuoda 12. vahku rájes
- Ovdaáigge riečadan mánát, erenoamážit mánát geat leat riečadan ovda áhpehisvuoda 32. vahku, dan rájes go leat 6 mánu (kronologalaš áhki) dassá leat 5 jagi.

Mii influeansa lea?

Dábálaš influeansas olmmoš fáhkka buohccá, oažžu febera, goikegosahaga, vuoimnehuvvá ja oažžu deahkkebákčasiid 3–10 beaivvi. Influeansa sáhtta maiddei dagahit duodalaš geahpesboalddáhaga ja hedjonahttit kronalaš dávdmaid.

Olbmui geain leat váibmo- / varrasuotnavigit, lea stuorát riska oažžut váibmodohppehaga, vuoingáščaskástaga ja jápmat influeansaáigodagas go muđui jagis. Duodalaš influeansadávda sáhtta bistevaččat hedjonahttit dearvvasvuoda ja dagahit eanet veahkkedárbbu.

Norggas dagaha influeansa gaskamearálaččat badjel 5000 buohccivissui čáliheami ja 900 jápmima jahkásaččat.

Manne oažžut influeansaboahkuheami?

Boahkuheapmi suodjala influeansainfekšuvna ja duodalaš influeansadávda vuostá 1–2 vahku maŋŋa boahkuheami. Boahkuheami sáhtta bidjat oktanaga boahkuhemiiguin eará infekšovnnaid

vuostá, nugo pneumokohka ja korona vuostá.

Berre boahkuhuvvot jahkásaččat, danne go influeansavirus álelassii rievddada ja boahkuhemiid ferte heivehit dáidda rievdamiidda. Boahkuheami beaktilvuohta maid váidu áiggi mielde.

Leatgo boahkuheamis liigeváikkukhusat?

Boahkuheapmi áigodatinflueanssa vuostá lea geavahuvvon mánggaid jagiid, ja das oppalaččat leat unnán liigeváikkukhusat. Nu mo earáge boahkuhemiin, de čuggensadji sáhtta raššut, ruvssodit ja bohtanit, ja sáhtta šaddat feber, illáveaje ja deahkkebákčasat. Leat hui hárve allergiijalaš reakšovnnat dahje eará duodalaš liigeváikkukhusat. Influeansaboahkuheapmi ii dagat influeansadávda.

Gos sáhtán oažžut influeansaboahkuheami?

Geahča gieldda neahttasiidduid dahje jeara iežat fástadoaktáris.



Loga eanet čujuhusas
fhi.no/voksenvaksinasjon